

1957 джилд äмтн бääдг гермүд тосхлгъна зура күүцäснä тускар

СССР-н Министрмүдин Советд бääдг Центральн статистическ управленä сонъсхвр

Советск Союзин Коммунистическ партъ болн СССР-н Министрмүдин Совет 1957 джилн июль сарин 31-д гаргъсн „СССР-т äмтн бääдг гермүд тосхлгъна туск“ токтавртан, öбрхн 10-12 джилд äмтн бääдг гермүд эс күүртджähиг уурулхмн гисн төр тавлä. Государствас болн олн-äмтнäс ордж ирджäh мөнъгär тедү мет государственн кредитин дөнъгär 1957 джилд тосхлтин болн тосхдж дуусх, äмтн бääх гермүдин государственн зуран цуг агъунь 46-с авн 47 сай квадратн метрт күүргдж, эн токтаврар немгдлä.

КПСС-н ЦК-н болн СССР-н Министрмүдин Советин туудж-

лгч токтавриг күүцähär советск тосхачнр, олн күүч-көлсчирин шунмгъа дөнъгиг олзлдж, күүчтä ик диилврмүд бäräd, зурагъан давулдж күүцäv.

1957 джил äмтн бääдг гермүд государственн öгсн мөнъгär тосхсн, тер мет балгъсдар, балгъсн мет поселксär, МТС-р, совхозмудар болн леспромхозмудар äмтс бийснь гермүд бärцхäсн учрар, бärлж дуусгдсн гермүдин цуг агъунь 48 сай квадратн метр күүрч öсв, эннь 1956 джил бärгдлж дуусгдсн гермүдин агъугъас 30 процент ик.

СССР-н Министрмүдин Советд бääдг Центральн Статистическ Управлень.